

康熙五十九年知府徐成棟重修

啟聖祠康熙六十年知府徐成棟重修俱見學校

城隍廟在府治東宋元以來無考洪武二年

知府脫因建嘉靖十一年知府詹瑩修十六

年知府張岳重新康熙四年知府陳良玉重

修康熙五十九年知府徐成棟重修

旗纛廟在衛治東洪武十八年建今廢

名宦祠

鄉賢祠

俱見學校

三賢祠在縣學左知府張岳建祀漢毋將隆

宋陳瓘蘇軾 今廢

孟太守祠 漢太守諱嘗

文昌祠 舊祠失踪崇禎八年合浦縣學教諭丘民悅捐金買得指揮常萬勳龍津

橋吉地 興建文昌祠一所祠右建興文館一座買料鳩工捐銀七十兩又用銀五十

五兩買蓬萊五冬民黃聰吳邦顯李惟秀土名佛子塘馬屋塘張王過路塘糯田沙

田等處良田共載米三斗五升五合申文本府知府歐陽公著助建祠銀十兩助買

田銀二十五兩併交前田於興忠畱一冬積善四代者吳黃信代管仍付與世世子

孫永管每年收租一百二十籬折銀五兩七錢除納糧修祠外春送銀一兩於府學

印官交屠戶買猪羊奉祀秋送銀一兩
 縣學印官交屠戶買猪羊奉祀餘收積
 衆議為公用載在碑記今盡廢無考康熙
 十一年知府徐化民重修學宮立文昌木
 主于尊經閣康熙六十
 年知府徐成棟重修

董公祠

祀巡道董肇胤在東門外士民慕德
 為買還珠廂二箇七冬里長包有周

甲下趙鑾豔故絕軍田土名平田垌一片
 一十五坵糧米三斗零五合一勺五抄遞

年收租四十筵議以三分贍守祠人以三
 分納糧以四分修祠祀今則祠倒不修

歲時不祀悉被黃位坤久占為業崇禎十
 年教授丘民悅清出集兩學諸生梁邦掄

曹昌齡等鳴鼓同攻黃位坤送銀一兩謝
 罪寫明前田送出還學經衆另批劉昌期

賃耕納租附在文昌祠同日辦祭納糧等
 項照依前議餘積聽衆酌用載在碑記廢

張襄惠公祠 在崇文館后堂今廢

郭公祠 即聚奎精舍在西門內北街原有田今廢

游公祠 在西門外江流街原有田今廢

馮公祠 在通天樓前向西本府鄭抱素捐銀修復中軍住有田今廢

李公祠 在東門內向南原無田今廢

沈公祠 在通天樓前原無田今廢

戴公祠 在縣後今圯原有田今廢

忠孝祠 在故石康縣治南嘉靖九年同知章諍重建祀石康知縣羅紳以子羅熾

配久廢康熙四十九年合浦知縣連圻捐銀修復

陳王祠

在府治東北三十里劉宋刺史陳伯紹有恩惠及民民立祠陳霸先稱為

叔父及受禪稱為王今廢

孝子祠

在海岸鄉梁村嘉靖十七年知府張岳建今廢

欽州

先師廟

康熙元年知州俞三畏學正黃棟建復康熙十一年知州董爾性學正黎

方璐修兵燹燬二十三年知州馬世祿復建三十四年遊擊陳誥捐金獨力重建

城隍廟

在東門內舊儒學東軍鎮舊址萬曆三十四年知州張應宿重修增建拜

亭宿齋房

旗纛廟

在千戶所後今廢

二賢祠 在元妙觀後祀唐張說宋呂祖泰今廢

林公祠 在文廟傍右祀林錦呂祖泰林希元康熙四十七年學正胡敷黃重修

諫議廟 在州治東二十里中和坊鄉人創建以祀唐諫議大夫甯悌原今廢

靈山縣

先師廟 明嘉靖十五年僉事王崇建于舊址世亂久廢

國朝康熙五年知縣多弘安訓導王啓輔重建康熙六年邑人勞炫建啓聖祠于殿後日久

傾圮四十二年衆議遷建城內縣治西歷知縣段曦李晉葉昌李培仁至五十六年始成

城隍廟 在縣東北成化間僉事林錦建嘉靖二十二年知縣陶桓重修

國朝康熙八年本府經歷林有聲重修

林公祠 在鼎治六峯門內邑人監生勞雍等議建未果後弘治元年府同杜禮成之嘉靖十五年僉事王崇增建儀門十八年僉事孫世佑重葺復市以供祠用今俱廢

先師封號

自唐太宗定孔子爲先聖顏回爲先師總章元年追封孔子弟子唐開元二十七年封孔子文宣王弟子各封公侯宋真宗加諡至聖元武宗大德十一年七月加封孔子爲大成至聖文宣王文宗至順元年加封孔子父齊

國公為啓聖王母魯國太夫人顏氏為啓聖
 王夫人孔子妻鄆國夫人亓官氏為大成至
 聖文宣王夫人明朝嘉靖九年改為至聖先
 師去塑像設木主

四配

復聖顏子 字子淵魯人東一位

宗聖曾子 字子輿武城人西一位

述聖子思子 字子思魯人東二位

亞聖孟子 字子與鄒人西二位

東哲

閔子 損字子騫魯人

冉子 雍字仲弓伯牛之族

端木子
賜字子貢
衛人

仲子
由字子路
卞人

卜子
商字子夏
衛人

西哲

冉子
耕字伯牛
魯人

宰子
予字子我
魯人

冉子
求字子有
仲弓之族

言子
偃字子游
吳人

顓孫子
師字子張
陳人

朱氏
熹字仲晦號晦菴宋婺源人
康熙五十一年升配

東廡

澹臺子
滅明字子羽
武城人

原子
憲字子思
宋人

南宮子
适字子容
魯人

商子
瞿字子木
魯人

漆雕子開字子若蔡人

樊子須字子遲齊人

公西子赤字子華魯人

梁子鱸字叔魯齊人

冉子孺字子魯魯人

伯子虔字子析蔡人

冉子季字子產魯人

漆雕子哆字子歛魯人

漆雕子徒父字子文魯人

高子澤字子秀魯人

任子不齊字子選楚人

公良子孺字子正魯人

奚子容藏字子哲魯人

顏子禮字子襄魯人

甸子井疆字子野

秦子商字子丕魯人

公祖子句茲字子之魯人

縣子成字子祺魯人